



Siverth K. Heilmann

UPA 2024/116-1

Atassut

18. April 2024

**Kommunitoqqat uterfigeqqissagutsigit allaffissornikkut aningaasartuutit qanoq allangussanersut pillugit Naalakkersuisut nalunaarusioqqullugit inatsisartut aalajangiiffigissaattut siunnersuut. Nalunaarusiaq UPA 2025-mut Inatsisartunut agguaanneqassaaq.**

Inatsisartunut ilaasortaq Aqqalu C. Jerimiassen, Atassut)

Siullermik inatsisartunut ilaasortaq Aqqalu C Jerimiassen-ip aalajangiiffigisassatut siunnersuutaanut qujanaq, imatullu Atassummiit oqaaseqarfigissavarput.

Isertuutissanngilara Kommuunitoqqat Inatsisartuniit kattussuunniarneqalermata tusarniaanerillu ingerlanneqarneranni aamma Atassummiit isummat assigiissimanngimmata. Taamaattorli amerlanerussuteqartut isummernerat, Naalakkersuisooqataanittalu nalaani Atassummiit kattussuunnissamut peqataasimagatta.

Ukiulli ingerlaneranni, siunnerfiusimasunut tamakkiisumik malitsitsinnginnertut taallugit Atassummiit uparuaaginnarata, kommunit ilaasa angivallaartutut misigisimasut qumartinneqarnissaannut, Atassummiit inatsisartuni iluatsissimavarput.

Avissaarnissamik kommunitoqqallu kingumut uterteqqinneqarnissaannik oqallinneq annertusiartuinnarnera malinnaaffigaarput, taamaattumik siunnersuuteqartup siunertaa Atassummiit tamakkiisumik isumaqataaffigaarput. Aalajangiivinnissamimmi tunngavissaqarluarnissaaq tamatigut pingaartinneqartariaqarmat.

Suliap aappassaaneernejartigani ataatsimiititaliamut susassaqartumut ingerlateqqaarneqarnissaa Atassummiit inassutigaarput.